

醫門法律

卷肆

共八集

尚論仲景傷寒論重編三百九十七法卷四上

西昌喻昌嘉言甫著

黎川陳守誠伯常重梓

尚論太陰經證治大意

仲景傷寒論六經中惟太陰經文止九條方止二道後人致惜其非全書昌細繹其所以約畧之意言中風卽不言傷寒言桂枝卽不言麻黃言當溫者則曰宜四逆輩全是引伸觸類之妙可見治法總不出三陽外但清其風寒之原以定發汗解肌更於腹之或滿或痛間辨其虛實

以定當下當溫而已了無餘義矣自非深入開
與者孰能會其爲全書也哉

太陰經全篇下法九條

曰太陰之爲病腹滿而吐食不下自利益甚時腹自
痛若下之必胸下結韃原文

腹滿自利太陰之本證也吐而食不下則邪迫於
上利甚而腹痛則邪迫於下上下交亂胃中空虛
此但可行溫散設不知而誤下之其在下之邪可
去而在上之邪陷矣故胸下結韃與結胸之變頗
同胃中津液上結胸中陽氣不布卒難開也

②太陰中風。四肢煩疼。陽微陰澀而長者爲微愈。原文

四肢煩疼者。脾主四肢。亦風淫末疾之驗也。陽脉微。陰脉澀。則風邪已去。而顯不足之象。但脉見不足。正恐元氣已漓。暗伏危機。故必微澀之中。更察其脉之長而不短。知元氣未漓。其病爲自愈也。註不審來意。謂澀爲血凝。氣滯大謬。豈有血凝氣滯反爲欲愈之理耶。

③太陰病脉浮者。可發汗。宜桂枝湯。原文

太陰脉尺寸俱沉細。今脉浮。則邪道於表。可知矣。故仍用桂枝解肌之法也。太陽經中以浮緩爲

傷風浮緊爲傷寒。故此不重贅。但揭一浮字。其義卽全。該風邪用桂枝湯。其脉之浮緩。不待言矣。然則寒邪之脉浮緊。其當用麻黃湯。更不待言矣。況少陽篇中云。設胸滿脇痛者。與小柴胡湯。脉但浮者。與麻黃湯。早已申明。用麻黃湯之義。拔於太陰證中。但以桂枝互之。乃稱全現全彰也。不然。同一浮脉。何所見。而少陽當用麻黃。太陰當用桂枝也哉。

四 自利不渴者。屬太陰。以其藏有寒故也。當溫之。宜服四逆輩。原文

註謂自利不渴濕邪也。故用四逆輩以燠土燥濕。此老生腐譚。非切要也。仲景大意以自利不渴者屬太陰。以自利而渴者屬少陰。分經辨證所關甚鉅。蓋太陰屬濕土。熱邪入而蒸動其濕。則顯有餘。故不渴而多發黃。少陰屬腎水。熱邪入而消耗其水。則顯不足。故口渴而多煩燥。若不全篇體會。徒博註釋之名。其精微之蘊。不能闡發者多矣。

⑤傷寒脉浮而緩。手足自溫者。繫在太陰。太陰當發身黃。若小便自利者。不能發黃。至七八日。雖暴煩下利。日十餘行。必自止。以脾家實。穢腐當去故也。原文

太陰脉本緩故浮緩雖類太陽中風然手足自溫則不似太陽之發熱并不似少陰厥陰之四逆與厥所以繫在太陰允爲恰當也太陰脉見浮緩其濕熱交盛勢必蒸身爲黃若小便自利者濕熱從水道暗泄不能發黃也前陽明篇中不能發黃以上語句皆同但彼以胃實而便硬其證復轉陽明此以脾實而下穢腐其證正屬太陰耳至七八日暴煩下利日十餘行其證又與少陰無別而利盡穢腐當自止則不似少陰之煩躁有加下利漫無止期也況少陰之煩而下利手足反溫脉緊反去

者仍爲欲愈之候若不辨晰而誤以四逆之法治之幾何不反增危困耶雖陽明與太陰腑臟相連其便鞞與下利自有陽分陰分之別註家歸重於脾謂脾爲胃行津液則如此不爲胃行津液則如彼似是而非全失仲景三陰互繫之旨

⑥本太陽病鑒反下之因爾腹滿時痛者屬太陰也

桂枝加芍藥湯主之

原文

太陽病之誤下其變皆在胸脇以上此之誤下而腹滿時痛無胸脇等證則其邪已入陰位所以屬在太陰也仍用桂枝解肌之法以升舉陽邪但倍

方藥以收大陰之逆氣本方不增一藥斯爲神耳

⑦大實痛者桂枝加大黃湯主之原文

大實大滿宜從急下然陽分之邪初陷太陰未可峻攻但於桂枝湯中少加大黃七表三裏以分設其邪可也

⑧太陰爲病脉弱其人續自便利設當行大黃芍藥者宜減之以其人胃氣弱易動故也原文

此段叮嚀與陽明篇中互發陽明曰不轉失氣曰初鞭後澹曰未定成鞭皆是恐傷太陰脾氣此太陰證而脉弱便利減用大黃芍藥又是恐傷陽明

胃氣也。

九 太陰病。欲解時。從亥至丑上。

尚論篇卷之四 太陰全篇終

尚論仲景傷寒論重編三百九十七法卷之四中

尚論少陰經證治大意

傳經熱邪先傷經中之陰。甚者邪未除而陰已竭。獨是傳入少陰。其急下之證。反十之三。急溫之證。反十之七。而宜溫之中。復有次第不同。毫釐千里。粗工不解。必於曾犯房勞之證。始敢用溫。及遇一切當溫之證。反不能用。詎知未病先勞其腎水者。不可因是遂認爲當溫也。必其人腎中之真陽素虧。復因汗吐下擾之外。出而不能內返。勢必藉溫藥以回其陽。方可得生。所以

傷寒門中亡陽之證最多。卽在太陽。已有種種。危候。至傳少陰。其辨證之際。仲景多少遲徊顧惜。不得從正治之法。清熱奪邪。以存陰爲先務也。今以從權溫經之法。疏爲前篇。正治存陰之法。疏爲後篇。俾業鑒者。免臨岐之感云。

少陰經前篇 凡本經宜溫之證悉列此篇

西昌喻 昌嘉言甫著

黎用陳守誠伯常重梓

①少陰病始得之反發熱脉沉者麻黃附子細辛湯主之

原文

脉沉爲在裏證見少陰不當復有外熱若發熱者乃是少陰之表邪卽當行表散之法者也但三陰之表法與三陽迥異三陰必以溫經之藥爲表而少陰尤爲緊關故麻黃與附子合用俾外邪出而真陽不出纔是少陰表法之正也

③少陰病得之一二日。口中和。其背惡寒者。當灸之。

附子湯主之。原文

得之一二日。卽上條始得之之互文。口中和者。不渴不燥。全無裏熱。其背惡寒。則陽微陰盛之機已露一斑。故灸之以火助陽而消陰。主之以附子湯溫經而散寒也。

④少陰病得之二三日。麻黃附子甘草湯微發汗。以二三日無裏證。故微發汗也。原文

不吐利。煩燥。嘔渴。爲無裏證。旣無裏證。病尚在表。可知。故以甘草易細辛。而微發汗。又溫散之。緩法。

也

④少陰病。欲吐不吐。心煩。但欲寐。五六日。自利而渴者。屬少陰也。虛故引水自救。若小便色白者。少陰病形悉具。小便白者。以下焦虛有寒。不能制水。故令色白也。

原文

欲吐不吐。心煩。腎氣上逆之徵也。自利而渴。加以口燥舌乾。引水自救。似乎傳經熱病之形。悉具。然腎熱則水道黃赤。若小便色白。又非腎熱證。乃下焦虛寒。不能制水。仍當從事溫法。不可誤認爲熱。而輕用寒下也。

⑤病人脉陰陽俱緊反汗出者亡陽也此屬少陰法

當咽痛而復吐利

原文

陰陽俱緊傷寒之脉也傷寒無汗反汗出者無陽以固護其外所以邪不出而汗先出也少陰之邪不出則咽痛吐利一一顯少陰之本證卽當用少陰溫經散邪之法不言可知矣

⑥少陰病脉微不可發汗亡陽故也陽已虛尺脉弱

濇者復不可下之

原文

亡陽不可發汗與上條互發亡與無同無陽則其邪爲陰邪陰邪本宜下然其人陽已虛尺脉弱濇